

綠猗草堂詩集

綠漪艸堂詩集卷五

湘潭羅汝懷念生著

七言古一

伯兄屬和菊花吟社四集中諸佗率賦長歌

戊申

我兄愛菊如愛寶三千珠履常隨身我兄愛菊如愛酒終日壺  
觴不離手斯陶斯咏偶寫情至再至三母乃頻眼中突兀又四  
集彈豪屬筆何酸辛黃菊在花稱逸客古今眞賞推彭澤祇從  
世外寄孤高那向人間管休慙卻思萬彙同化工形質隔闕氣  
味通空桑三宿懼畱戀四載況乃寒燠同人於花兮自怡悅花  
與人兮尊區別無情不解替花愁有恨何妨偕花說先生束髮

事丹鉛兩鬢漸欲嗟華顛半生鑽不出故紙一具剩可誇寒穠  
秋摘晚蕊春翦韭負郭荒蕪餘五畝蕭蕭白頭尚提挈菽水何  
年間升斗蘭芽一枝茁庭砌培護還經廿餘歲絲霜一丈慘已  
摧漫漫長夜清暉閉愛念舐犢古已難頻仰身世尤汎瀾情塵  
苑結撼不動愛河挹注流難乾邇來飛散棣華萼交舊晨星悲  
落落索戾誰與慰愁懷細把秋英夾淡嚼率園舉比今幾年跬  
步不越東籬邊小胥脫腕供紙筆往往數日成章編詩成無奈  
愁不破郵筒遠索朋儕和爲憶溪山老屋中有弟還能應詩課  
風騷上薄心所希如何縛束欄衫衣頭方性拙不入世小艸遠  
志交嘲譏身凭一几手一集青鐙熒熒痰童立箸書鑽仰苦無

成候忽頭顱已三十北風吹裂縕敝裘道逢狐貉先低頭干時  
不假地盈尺療飢空有胸千秋睨來友人入吳越招邀同看揚  
州月六張五角日日逢行旅在門不得發長安不到意何窮出  
門西笑春風中三家邨學兔園冊生涯依舊求童蒙咿唔啁哖  
朝復暮美景良辰等閒度一年博得一餅金居奇尙被旁人妒  
君栽菊花伴苦吟我不栽菊愁何任園林百種憊已歇塊然獨  
對秋沈沈沈沈良夾漏初永還衰陳編引修綬閒愁如海浩無  
邊謫與菊花花不省

題周忠介公詩扇冊子

并序

扇爲冷金箋楷書七言一章章十一句詩末接書敬賦

寒月篇介壽七字爲行二十有六行六字者與單字者  
各半末署公名三字共九十四字詩云飛月凌寒動雲  
際瑞雪凝華護瑤砌清暉交射瑩且鮮誰向長空掃陰  
翳憶昔月傍琴堂縣揚彩仍浮玳瑁筵高建隼旛影忽  
轉錦袍坐月泛江船呼月伴君爲老友千秋相照長爲  
偶客至稱觴歲正寒雪光映帶月光厚書法方整適峭  
近唐碑而猶夷得六朝氣韻從父學士公得之都中市  
肆裝爲巨冊大興翁覃溪學士以隸署其籤曰周忠介  
公墨迹湘潭羅氏珍藏復係以詩同宗長沙南川尙書  
亦題一絕顧覃溪題於戊戌從父歿以丙辰中間十有

七年竟無他人顯詠豈其矜慎之至不輕以示人邪從  
父志節不後古人而變才嗜古如不及社以中道俎謝  
行誼不傳於人拱木已蒼鑿楹猶在而此冊之輝映於  
青瓊綈裘閒者已六十載於茲緘滕局鏤幸不與衰朽  
蠹斷俱隳然而大可思矣

汝懷

暇日輒發而讀之感盛

業之未竟慮遺迹其終湮將求海內好古之儒相與歌  
詠以廣其傳爰成長句用爲引焉云爾時乙未七月

公之浩氣歸大虛公之翰墨畱寰區扇頭寫此萬古月孤光耿  
耿懸扶輿畱貽迄今三百載棄捐不與秋風俱赫蹏一紙勝金  
石阿護疑有神持扶開畱未讀氣已肅下筆想見風雷驅銀鉤

鍊畫何纈栗莊嚴故與凡猥殊觀者無爲詫風雅游藝實乃公  
之餘煤花綺麗出鍊石定知舛鄙非眞儒偶爾操觚弗輕率中  
有眞氣相流輸一酒稱觴面諛俗蒼蒼古雪同清腴中間幾度  
歷兵燹百寶墮壞存區區數行剝落典型在如入故府觀圖書  
碧泉學士我從父天性嗜古如熊魚燕臺市肆偶獲此眼明意  
豁眞懷瑜先生弱冠謁金馬氣誼浩浩冬久如長安米貴飢欲  
死不放兩足權門趨浮沈詞館廿餘歲坐是不得登公孤從父絕迹  
權相和氏門每出使還朝皆不造謁和嘗遣人諷以學政任輒詈其使和甚銜之比和敗而從父已前卒矣口含雞  
舌告民瘼平反大案伸無辜從父典試廣西乞假省墓單騎復命面奏孝感士豪活瘞七人事  
後大吏以下皆獲重譴義之所在弗苟徇於世往往多齟齬稜稜風骨矯

矯節忠介默鑒真吾徒豈期強仕方有見志未稍遂人先祖

從父

歿于嘉慶元年  
春秋四十有三

當季清俸換籤軸長物贍此聊爲娛六角羲書

競珍異蒲葵謝握爭稱譽風流所被尙爾爾遺迹況乃同皇琴

同朝一老

翁羅二公

共鑒賞淋漓大筆先染濡授之故匣勤拂拭感

念手澤徒嗟吁願惠琳琅助光寵寒月照耀南湘湖

言十三孝廉寄題周忠介墨迹卽次原韻送其公車北行

秋霜未已忽涉冬終日書空倘怪事學子牙牙聒人耳白晝惛  
惛慵欲寐書來兼得故人佗雒誦如寶忙置筍蘭言芬芳思飄  
飄急取紉之佗秋佩君才浩浩江漢流別有清機軼前輩紫峴  
而後歎衰歇佗者不虞今有替世人致身自有具古物今時已



不貴一編墨守老猶惜未甘輕脫頭巾氣強將此語向人說面  
縱與親心不契難從天祿博高齋未若雲亭作奇字手攜一卷  
古久雪除貢所知惟自媚君今早已階尺木何事壯心復破碎  
溪流澌澌春漸來燕市花萌盼游騎國家承平二百載潤色  
須君成一代戒塗莫畏雪霜苦乘時祇要風雲際嗟予五佗退  
飛鷁今者師猶占左次蹉跎書劍兩已虛寡過豈能信邁使高  
齋修竹擁寒綠日暮空山愁老魅逢人只合長低首對婦豈容  
輕捉鼻卽今壯盛已如此再迫桑榆那堪試本來拳曲不中規  
匠也何尤女自致人生出處各有天忝置從地豈無意同儕徐  
馬久乖隔落落人寔誰我愛君別三年纔一面轉眼飛潛仍異

地爲語祖生先著鞭我在石中不成器

寄顓何子貞

紹基

畫梅卷子

并序

子貞嘗得顧南雅朱某堂兩先生畫梅於張君淵父迭  
相酬和皆疊比字韻今年乙未秋仲子貞來長沙屬爲  
佗詩於示所佗二首漫應之惛惛未遑也寒山早春庭  
梅欲放感時望遠幽思弗禁爰步諸公之塵聊當一枝  
之寄

平生測交愛老蒼眼中突兀見吾子語其格韻近取譬叔朽古  
餘空山裏又年三得郡城聚一日九詣心未已爲言舊貯畫梅  
幅合兩妙手成一紙畫以悅魂夜入寢坐使空谷潏然喜紙窗

竹屋燈火淡嘯詠中宵聒人耳有時皓月流素壁一一橫枝落  
清水揭來朋舊皆惆悵相與歎詫觀止矣不信勞勞塵海中縱  
君清福有如此朱顧貽張張贈何畫併二難人四美未看君畫  
神已馳先讀君詩妙無比

我家湘水窈以淡中有古棗巢鶴子虬枝蟠屈壓檐外窮冬花  
放濃霜裏我自小年看不足冷豔日饌味無已慙少淋漓大手  
筆寫出橫斜香著紙素琴閒譜幽人愁清尊自照酡顏喜絳雪  
繽紛亾盈目翠羽啁啾常在百一年一度花開落送盡年光入  
流水若令再閱三十年我與癯仙偕老矣何郎官閣好詩興未  
應風味還如此看君早具和羹材不與羣芳競時美百花頭上

君努力處士西湖吾竊比

中秋次東坡見月懷子由韻

眾星允歛，允輪高眼明。萬里窮纖豪，晶光泚泚墮。竹露微涼颯，  
颯生松濤。山中久作巢，子淨埽空階。爽如水，艸蟲自訴還自吟。  
索和催人睡，初起滾滾罔矐如跳丸。未肯暫作潛虬蟠，豈信  
人間已秋半。但覺玉宇彌高寒。

幾載觀潮向淮汴，暴瀰未遂龍門變。歲歲秋風理舞衣，年年宮

怨悲團扇

原韻係板字因汴變在去聲十七霰版在上聲十五潛二韻古不通用恐有誤故改用扇字

今宵

看月庭闌前，頓令家食思逾堅。親知聊得卮酒聚，子弟況有新  
詩看。始知月在故園好，恰值良宵還艸艸。天倫樂事古所慳，得

此何妨是鄉老沽錢尚有草嚙貧異地同看更幾人天公儻令  
斯人出此地何容無此客

代題鋤月種梅圖

丙申

人間何處無梅花名園往往枝橫斜紅塵馳逐那解憎好景咫尺同天涯天上何時乏明月清光炯炯輝瑤闕癡魂長役黑甜鄉良夜曹騰去飄忽嘉哉有月復有梅疏影徐布清香來天將二美妙合併老子於此顏爲開摩挲老圃發清興手把長鑱對明鏡剗苔剔蘚相地宜栽培自我操其柄繞屋花開不患貧欲教更化千億身人生那復憎胼胝但令得露枝枝春羨君育材既有具成就豈惟三百樹相字終看宋廣平從君再讀梅花賦

七夕與黃東伯分韻得夕字

丁酉

雲軒月幌渺無迹一水盈盈漲遙碧  
僊家日月春復秋何事歡娛獨  
今夕芻尼佗橋亦易百多少良宵  
自拋擲人閒兒女怨別離嘉會寸  
陰寶如璧銀河水淺凝不流應有  
萬古離愁積家山百里渾在眼  
幾日秋江挂帆席涼颺早動暑  
已微與君共臥城南宅劇談時  
時及故事思議往往多新獲閒  
軒客衣香茗殘日坐喧闐轉岑  
寂畫據小榻酣雨聲夾踏長街  
尋月色參天古樹三兩株時有  
昏鴉覩棲息前度隄楊搖綠絲  
今日渠蓮剖紅葍漸看細葉綴  
叢桂行及秋花上疏莢鞋迹有  
如鴻印泥歲月眞憐駒過隙  
暗茲小別何足遣會有長安遠  
行役茫茫後會難可

期聊聽桓伊三弄笛

蘭菊叢生圖爲家榮崖少尹作

梅花塢畔梅花香招人遠望攜琴囊鄉思緜緜不可謝翩然一棹還清湘使君本是遠遊客何事歸收十斛麥爲數故典期先民蘭菊猶存一區宅幾年庭砌攢修莖知君對此能怡情風塵往事久拋撇種得靈苗同宦成誰人作圖還仿古遺韻吾宗能繼正異時蜚譽重琳琅春秀秋英一齊吐

題張紫林上舍

力榮

桐陰小照

戊戌

東園種梧桐當夏生清涼西園種蘭桂及秋聞早香

以妻周季華未成章

句但易叢字爲蘭字已圖中點綴有此二種不可略耳

先生清興殊不已一併迓來供嶽

喜四時佳景畫不到略倩黃筌寫絲紙一腔生意同孩嬰君時司事  
育一生不栽榛與荆眼前樂事亦何極月來金井光晶明玉立  
庭階珠在掌對此精神倍森爽石頭高枕不知年年年但見孫  
枝長

上巳舟過洞庭用陸放翁臨川道中韻

別愁忽共春水生湘煙湘雨遲吾行眼中已无鄉國影耳畔已  
飽風濤聲別愁復與天气新江花江艸爭迎人遙山縹緲貢奇  
態綠野蒼茫浮遠春水師促發猛如虎三日長沙過岳府悠悠  
公路預難期了了來程默堪數我望長安西向笑卻值流楫懷  
逸少重湖聊佗曲水游竟不登樓人不料遙望岳陽樓舟子不目泊高原卻



上心茫然隱隱墟煙生  
夕天踏青舊侶儻相憶  
舟泊荊河野渡邊

自湘陰而下江天平遠無復峯巒之秀追賦一首

羣山不放江流吞  
故仵奇峯插江口  
江闊水溢不受拘  
遂令大水蕩仵湖  
山陽頑石鞭不起  
驅到江邊行輒止  
暗中猶仵洲渚橫  
似與行人相送迎  
江空雖可得涯涘  
未免揚颿增遽迤  
何如剡卻平如砥  
令我直行日千里

感事爲友人仵

楊柳絲青馬鞭短  
大車行疾小車緩  
大車小車同一輪  
異鄉帶得家山春  
吳兒不解人苑結  
言偶愆違旋浚裂  
丹心寸意不可

通頓使泥污成雪潔暫時污潔亦偶然本無藕孔絲奚連持絲  
仵繫結還絕其始如璧卒如玳雨露一般君誤施此樹本非連  
理枝

觀音巖

山腰泥滑行不忒前路忽逢猛虎踞縱橫起伏無定形奇文斑  
剝落鮮青石壁鑿龕龕置佛下瞰溪流覆齒翠前山石罅紅無  
極嵌空幾點山榴花

明劉氏二孝女墓呈汝甯費太守

庚吉

白雲親舍渺何許汝南大道偶延佇岵巖誰氏一高墳云是劉  
家兩孝女孝女生小住馬鄉錦溪新水開容光既無伯叔鮮兄

弟但有姊妹隨耶孃耶孃已老女身累願女有家亦情耳女身  
一公耶孃孤龍鍾晚景顛誰扶七女同生五女嫁四女六女謝  
嫺姪摻摻素手補秋雲軋軋寒機度長夜拮据十指甘旨供久  
拚雙鬢雲蓬鬆一朝風燭苦相逼天崩地塌身何從哭已无聲  
還擬踊未忍遺骸付荒葺室中伶坎不及泉天俾殯垣自成冢  
設言奉養力已疲不能嗣續心餘悲慰情勝無聊復爾未妨權  
佗奇男兒身著褐衣頭岸幘本來制行非巾幘竟從繡隴把鋤  
犁不向紅閨弄刀尺花開花落水流東昔年少女俄成翁汝南  
賢守白提學一塵與受全其終卽今巍巍封馬鬣卬樹栖烏不  
棲螭行人低首愧感并寒芒刺背淚承睫坏土縣歷三百年殘

碑剝落危將顛況無廟食亦缺典誰與憑弔尋荒煙我欲前行  
重迴首苦恨無從尋椒酒岸谷谷陵爾草憂今日豈無賢太守

代送賀侍御還朝己亥

野雲四垂天寥寥古屋龍蛇蟠素壁蒼然秋色滿城南風動離  
亭數聲笛捧觴挈榼還幾人草辭味薄聊沾脣咎日灑林成化

雨

先生主城南  
講席數載

今番出岫非閒雲軒楹高矚峯巒靜鷦得蕭辰

其清境湘水激瑩繞郭流照澈須眉皆古影

時沈栗翁鄧  
湘翁皆在座酒酣

轉覺愁難消桂風羅月誰招邀雖然廊廟要匡濟卻恐林泉都  
寂寥城頭暮鼓催行客依人王粲亦於役江干遙望木蘭舟已  
挂雲帆高百尺

送陳伯符歸長沙

庚子

楊花雪後楊葉青春城雨久春江平酒人得酒不知醉客中送  
客難爲情盈盈一水不得語了了兩閒見庭戶入幕君爲珠履  
賓餐霞我作青山主良時得暇常過從十日一詣嫌疏慵君苦  
塵鞅便相訪聽我謾謾峯頭松衛公祠前山路曲紅拂墳頭春  
艸綠廚供蔬筍煙火稀只有飛泉漱寒玉山鬼含睇山靈尊俗  
士迴駕無叩門我性不飲卻愛客得君幾度開清樽去年春半  
欣聚曾今年春暮愁攜手君行何苦共春行折盡離亭一株柳  
人生努力及壯年讀書讀律知所先申韓家法素嫻習要使文  
義無拘牽士師得情矜勿喜況以生人繩故紙休將白玉混砒

硃詎把明珠看，惹以比埒輕重精權衡。意氣到此都須平，藉使  
性情得涵養。人閒口舌何勞爭，神明名法得治理。固知此事非  
小技，素書世有黃石傳。低心甘納圯橋履，珍重昂藏七尺身。美  
如曲逆甯長貧，暫作諸侯老賓客。大夫那得辭風塵，天涯鴻爪  
亦非偶。惜別草令情語久，畱取餘歡作後緣。且約黃花共重九。

對月效初唐體

沈陰苦雨暗鄉縣，人閒久隔姮娥面。天憐索處幽意多，此夕流  
光到淡院。佳人絕塞行復歸，好友三年忽相見。遙心遠道動千  
里，注目清輝懸一片。一片初生潋豔波，綺窗雕檻徐經過。光先  
何處簾櫳入，影落誰家庭院多。待月初更燒燭短，更添滅燭憐

光滿旅庭望月來何遲故園望月行何緩故園先向庭幃生照  
見衰親白髮明涼生几杖無眠夜寢繞關山思子情蟾輝冉冉  
東園度照見蒿宮閉長暮殘紅不埽落餘花密葉漸添新拱樹  
皎皎中天輪半安照見溪閨刀剪闌水晶簾下凝眸望玉鏡臺  
前擁髻看瑤琴理曲抒情易錦字緘愁寄遠難瑤琴錦字情無  
已萬緒千端月明裏七寶牀前地有霜五雲樓外天如水此際  
先生引線鍼此時影上搗衣砧沈沈靜鑒羅紈薄悄悄斜穿翠  
幃淡長看桂樹疏影徹卻憐蕙艸春芳歇百年幾度值團圓萬  
古惟應照離別宵淡斜迤度西峯峯頭樹色漸朦朧高城漏點  
傳更急江水茫茫山萬重

社鼠行

里老立社先立倉時有碩鼠來潛藏居人持肉爲祈福未獻社  
公入鼠腹誰謂鼠無牙欲爲嚙噬同含沙誰謂鼠有體一生居  
積工聚米貧兒无米覓無輓鼠子得米還穿墉穹窒之熏熏不  
得爾有区技終難窮南鄰田舍翁家惟儋石蓄畫已被雀穿屋  
板幾无麥十斛抵灰持戈欲相逐不見爾形爾晝伏吁嗟鼠兮  
旣飽主人太倉粟何事更食田間穀

王夫襟兄枉賜萱兒以詩次韻酬之

癸卯

瓊玖纍纍同得寶鸞牋字疊蠅頭小陽睽奇光魑魅驚僨輿逸  
氣驪駟埽眈來過我書練裙粹如大敵臨孤軍靈眸炯炯海澄



月妙緒團團峯生雲謬顧豚兒發眼熱其實愚頑復癡絕子儀  
有子信奴才卽觀意態甯雄傑故人憫我髣髴須強將魚目呼  
明珠春蛇秋蚓漫塗抹蘆芽那解元和書卅年聖對萬竿竹竹  
亦蕭疏減濃綠青藜不照愧傳經一卷農書課湘曲衰門散冀  
光於前唯有令德期勤宣齒牙餘論過獎俗已覺平步登青天  
詰嗣他時還壓轡三山競到神仙地東坡詩三山舊是神仙地蓬頭霸子釋  
來看也詡蘇程是兄弟君家遠祖崇畱侯定知前箸多貽謀圯  
上還期教儒子毋使阿好徒包羞

綠漪艸堂詩集卷五終

男式常校梓

綠漪艸堂詩集卷六

湘潭羅汝懷念生著

七言古二

中秋書感倒次前丙申中秋詩韻

癸卯

幾年老佗諸侯客一歲鍵關未嘗出眼中落落非故人健者歎  
逝存傷貧桂花不發荷花老秋風尙綠秋原艸舊交屈指計天  
涯懷稔今宵幾人好有月異地原同看卻令淡鎖陰霾堅久娥  
欲顯還復翳宵送清影闌干前班姬舊句吟團扇七載中閒更  
變遷

丙申詩與前妻周季華同佗自丁酉秋季華歿後親故已逝者不下數人舊徒亦多廢學者

一生佗事

值張角兩目交流成泗汴海氛萬里生陰寒淮東尙有蛟鼉蟠

金焦何事失險固不教函谷封泥丸飛廉安得長風起橫掃天  
空滯如水流照三匱上將營生還六郡良家子扁舟久已辭風  
濤坐看頰上頻添豪秋蟲依舊艸閒咽夜闌搔首涼天高

念佛林訪李笏生

城西古剎念佛林出郭里許勞幽尋我生卅九不會到一朝踏  
破雲堂深林居避人如避債偶然上市市人怪入城苦擾復出  
城暫賒片席清涼界前臨平田傍古原原瘞白骨環長圍鐘魚  
曉夜響不歇欲配萬古難招魂入門曲徑通幽密不問禪堂問  
書室拈花未擬古佛參御李先將故人揖故人別我今又年鬢  
鬢突已添髭髯春官數上不得意避塵聊任無遮天談次頗拊

心芥蒂橫遭白眼來譏議多應坦率同宋又遂復嘲阿遇劉四  
我聞君語頻攢眉此事須與參禪機本來不垢亦不滯欲著煩  
惱將毋癡寸田尺宅行我法廣大城開眾生狎口中夷甫任雌  
黃胗下韓侯豈恆怵塵事腐鼠安足論清茗淪罷同窺園花閒  
杞狗高一尺欲吠不吠桑牆根是何的皜紅無比枝上離離枸  
生予山僧不餉客自嘗香入肝脾寒沁齒此時萬木酣新霜脫  
葉墮地兼紅黃閒軒瘦蘼老逾淡時復對我吹寒香淡廊敗壁  
多陰氣白晝猶疑走妖魅想見悲歌又夜中時有鬼雄來問字  
東偏室靜門常扃老衲蹠無完形蓬顆蔽冢實蒿目眺遠望  
上希青亭亭連佛閣歷年久程黃在耳木先朽危梯跛折樓動

搖有若藏舟人負走樓中閱世更新陳地下大暮忘朝昏此閒  
夜讀詎用燭燐火聚作長明燈螻蟻登足毋欺凌觸黷狎習無  
嫌憎但愁无勢忽顛墜此亭卻望難重升君不見世閒萬事皆  
代謝故鬼新人同大化湘水無情日夜流陵谷滄桑況臺榭咎  
時詩酒紛遊遨湘門而後幾雄豪

少延尉張登石先生曾讀書于此

徽商寥落

楚材歇賸有數子同牢騷遷流世事豈有極天意茫茫末堪測  
一身俛仰衰百憂何暇區區計譏謔與君同人少年場坐使兩  
鬢青成蒼蟄蛇屈蠖我思息輸君意氣猶飛揚積年結轡難覩  
縷臨別門前尙延佇歸途暝色逼人來城頭已聽統統鼓

言雲笙來訪艸堂別後奉柬

花時待客客不來  
淨埽徑路猶畱苔  
客來看花花未發  
卻喜庭階已生月  
百里曉發城市行  
得不帶來城市塵  
知君近市餐梁肉  
特入淇園看修竹  
園中有竹復有梅  
千枝鬱鬱含初胎  
園中有梅復有柏  
兩樹亭亭交黛色  
橫斜影混梅與柏  
喧闐語亂王與客  
主人愛夜眠常遲  
得客縱論尤忘疲  
窗明知朝暗知夕  
統合亥子爲長時  
夜長日短分陰愴  
相同更  
有煙霞癖  
冒冷宵  
斟邀月  
栢穿雲  
曉著尋山屐  
尋幽踏徧嶺頭雲  
奇山眼底何糾紛  
玉魚冷伴古人骨  
石馬倒臥前朝墳  
時訪李文莊公騰芳墓  
前人骨冷後人弔  
入地猶分賢不肖  
試臨清水鏡  
蚩妍子面吾面  
非少年降寅同歲  
不同日  
又花欲偕江生  
筆名場馳逐二十  
年落魄青山

兩寒乞長貧甯使婦無襦抵死不入富兒門窮冬風雪昆吞咽  
只藉篠館棲吟魂猶嫌室冷塵能入臥爾元龍樓百尺百軸陳  
編擁雉城一峯秀色來易石名峯箴肴粗率君阻嘗諒我能恕治  
廚荒晨昏出入吾省定勞君更展登堂敬卻恨東鄰少故人謂周  
勃此來亦復傷磨鏡百年得其幾良辰益挈家具來爲鄰耦  
耕長仝無懷民溪山迢迢送君去朝日已升庭上樹遠照前邨  
馬行處

言雲在枉顧艸堂別後寄詩一章用舊韵原韻次韻禽之  
煙霞痼疾醫鵲起疏慵仝巢居子放眼天開列嶂邊洗心月  
印澂潭裏千秋青史知無分爭如嚮在心鵲已惟應故物守青

檀聊有新詞寫縣紙暇日陳編事窺竊偶然有得心歡喜高樓  
竹裏自肩鐫書聲遠落途人耳已淨峯樹岫裏雲不亂波瀾井  
中水老梅橫枝入檐際細蘂綴粟春來矣不待春來客已來知  
君三宿鸛忘此花陰懸榻塵潛浣怱怱有似侑予美新詩百里  
付郵筒先覺開函韻無比

論詩安得商予起青眼高歌望吾子

杜句

直收山嶽置眼前還有

春秋著皮裏三年不見見如故迹雖疏闊情無已雕龍富已近  
千篇倚馬速應誇七紙譬如食蜜中邊徹法說天人共歡喜艸  
堂日忙恣談讌竊聽殊勞屬垣耳悠悠在事化爲雲落落貧交  
澹如水半世黃梁無好夢勞薪坐歎吾衰矣朝來搔首攬明鏡



種種愁看髮如此惟餘神契在友朋金蘭不啻醕醪美把君詩  
句夜忘眠他日結鄰歡洽比

臘月二日雪

窮冬旋陰復旋日一詞催得雪花出開雲豈有神感通造化鑄  
錢畏刀筆窗開瓦白光晶瑩佛頂未沒遙山青蘆簾紙帳交一  
色早梅凍破亦同白未可爭白且爭潔偶然一雪聊解嘲幾時  
徧地鋪瓊瑤固知坑谷填不足餘點祇壓青松稍凍雀窺檐際  
無語山人卻塞閉庭戶北風一陣散同雲轉向樓頭化纖雨

初九日晚抵春風堂張玉夫左季高來訪畱飲後邀宿桂

柱堂別後戲柬二君

薄暮客入門訪客客已至近別數月遠一年相見嘈嘈語無次  
時無一語通寒暄時有一語揆根源一語不伸歛不伏有若大  
獄含奇冤重裘寒重罽火送衾推襟屢遷坐夜靜渾忘漏箭  
催案頭已覺鐙花墮牢騷三客閑一堂果脯已盡猶傳觴張生  
談詩稍蘊藉左子被酒尤顛狂三更月落天昏黑強拉出門愁  
徑仄霜風剗臍面有稜酒意曹騰腳無力宣文室內圍絳紗膽  
瓶濃映紅梅花應知此客病消渴花資別貯君山茶茶清酒醒  
空亭上談縱驚雞亦齊唱觸屏婢倦厭頻勞伏枕童窺訝無狀  
張生噦噦疲不支左子崛強猶稽遲東廂一榻客睡熟僂入客  
被溫如皮二客同牀不同寢聽客鼾聲徹檐棟天明一客獨出

門門外飛鴉噪相送

凌荻舟同年屬頭青塘山冗卷子時方求湯山人佗蒼松

老屋圖因成長句兼呈洛庵

薜蘿滿眼攜不忒祇合移家畫中任開緘四面吞青山絹素濛濛  
濛起煙霧凌子崢嶸出岫萊胸羅列宿真奇佻湘城涵蹟苦喧  
襍山居卻愛青塘隈戊年同佗長安客示我斯圖考功宅時同寓居

夏一卿詩人援例居水曹未可公然臥泉石翩然一棹尋故山

荷衣芰製供萊斑漢家科舉重廉孝又復出門向西笑天涯風

雨忝塵勞奔騰山色隨征鏤漫憐宦味等雞肋已博詩卷成牛

腰子山宮體慙難薦會諸以辨體佗圖序定王臺畔重相見諾責悠悠忽

六年卷頭已覺珠璣徧舊游  
枵愁如海雲散風流幾人在人  
閒陵谷有滄桑畫裏山容長不改  
一水一石點綴工誰其佗者  
洛庵翁奇輒能使徑路絕思致直與風雲通  
手把君圖心往復亦有先人一椽屋  
百株松老化蒼龍飢嚼松花實  
枵腹飄零書劍逾寒盟兩耳久絕濤  
泠泠豈惟匠石歎臣質松亦摧剝無完  
形懸知甕算終相左長擬松閒掩關坐  
霖雨蒼生尙繫君山林福分應輸我一  
衣帶水東西鄰烏峯頂瞰青塘濱

敝居在烏石峯下他

時勇退息塵鞅同向松閒尋茯苓

### 花石戍懷杜文貞公宿處

客舟三日行紆遲舟子輓縈殊驚疲  
卻憶公詩我心喜當日公

行亦如此

公詩云午解空靈岸夕宿花石戍

湘南舊縣在此閒岸南平行波回

環尊怪公詩尊之及邇日基扃已無迹公公千載我復過德業

不同同坎軻眼中山色想如簪漸恐鏗擊銷嵯峨

北岸鑿石燒灰已谷二山

一塔崢嶸矗江渡一塔微茫隱山樹杳渺鷁尋公宿處但據

詩言花石戍

### 防盜示舟子

發船曉理楫矚目馳遠思泊舟夜推篷閉置同車帷鐙光熒熒  
滿篷裏書聲琅琅出篷底舟子不嗔翻卻喜勸我晏眠還晏起  
不嗔翻喜亦何因爲恐暴客來相侵心兵鬪角舌鋒利隱若倚  
我如長城下士聞言還大笑強忍飢寒不爲盜入手從無暮夜

金好還甯或防天道襍被非同陸賈裝一錢畱得羞空囊餽貧  
只學彥和泔鰯與若輩充飢腸矧今乞米無長技炫俗先愁衣  
履敝薄有琴書發古光詎教誤認金銀氣汗漫聊成千里游逆  
旅何人知馬周眼中儻遇綠林傑意外或有黃衫儔吁嗟乎小  
盜夜行顏尙赧大盜於今更張膽狼貪鴟嚇供老饕白晝搜攫  
無能逃

望嶽

石廩騰擲堆祝融

韓句

眾峯突兀都撐空沿江山小殊礙目轉覺

近山高過嶽我欲九面窮奇縱湘帆一轉當一峯直須刻卻眾  
山盡始覩七十二青芙蓉廬山眞面原堪識總坐邀遮致懸隔君

不見明鏡黏塵僂无光何況浮雲能蔽日

### 高河鵞歌

萬山夾水灣復灣一江浮舟往復還往者不往還不還人言此

是高河鵞鵞寬洪

舟人謂沙中水通處爲洪

窄水流急頃刻千舟百舟集一

重鵞抵一重壁千百篙師無氣力舟舟縱橫不自由舂舟尾擊

來舟頭不見江流只見舟直擬投鞭江斷流舟舟低昂互相踐

大舟底壓小舟面水穿舟罅如渦旋

去

只許江流通一綫篙師

奮迅同蟻猱兩面搏舟如捕逃四肢力盡目眩視還以口舌爭

號呶忽如倒挂收香技腳跌青天頭搶地半羈僵疑螻屈身移

時怒吐蛙含氣大舟疑疑如山重百夫撼舟舟不動卻將其繯

倩鄰舟青錢買得清風送

時舟子顧鄰舟分載

一身得路眾舟隨重關洞

達開重扉卻望平沙亂流際尚有百舸屯江湄船頭獨客看山

飽便阻行程亦良好草怪客心無懊惱滿船都載忘憂艸

俗名金針菜

### 永興觀音巖

誰斲石腹成石巖棟宇高下如空嵌閣勢湧出巖能銜檐牙刻  
露巖增嶮大千界納一粒粟日啖山光吸江綠百丈頻來天際  
舟二分早瞰波中屋佛前鐙照水底紅疑有鎖穴通蛟宮老僧  
居此亦絕俗墜路不與人閒通巖邊餘石雄鸛馭吞入波心作  
獅踞

江中有巨石如獅形

何年玉女洗頭盆瀉下溫泉畱此處

石獅下數丈北岸江



過吹氣如蒸俗傳鑄鑿信是鬼神工惜少竹樹交蒙籠南山忽  
觀音洗臉傾水處見蒼松影何不移來此巖頂

謝文節公橋亭卜卦研歌

有序 甲辰

橋亭卜卦研又篆書勒研池上無篆人名氏此石吾友  
也不食而堅語有之人心如石不如石堅誰似當年採  
薇不食守義賢也三十二冊書勒研面左右程文海銘  
四行書勒背之右宋謝侍郎研又大真書勒研脊中無  
書人名氏大明元樂丙申七月洪水去橋亭易爲先生  
祠搢地得之閩後學趙元二十七行書勒研背之左蓋  
信州无守後公變姓名賣卜建陽市時物也天津明經

周焯月東于海潮庵僧牀下得之每夜以寢嘗謂前湖南巡撫宛平查公禮曰我死當以歸君查公後出爲粵西太守閱三年爲乾隆庚午周衰研且死謂其孤曰研已許某今雖瘴鄉道遠言不可食其孤乃以歸太守于粵于是徵歌詩刊爲卜研集而印研于卷端題識悉具第永樂時研出橋亭則公北去後研卽淪于地公固不屑屬程文海爲銘程亦何由得銘公研陳句山太常謂程得研銘之仍歸亭吏未合情事而蒙玩銘字與署程銘字殊非一手且云吾友則實公自銘蓋首陽之志常矢于懷故銘諸石文海時方仕元安得有此傑語疑後

人以公有與文海卻聘之書安引重焉而補鑣四字也  
研之可寶無論已蒙獨以爲非周明經能公諸世而付  
託得人亦何由表章而使片石顯于宇內家藏舊有此  
本暇日覽之意有所觸因以寫其感云

卦終未濟乾坤息精氣不磨潛復出犀文龍尾世間多遇匪其  
人亦頑質厓山舟覆橋亭存除卻片石誰與倫西山多蔽嬾復  
探拄腹只用三爻吞細味銘詞識心匠牢擬前賢定禰向友石  
分明宋侍郎鐫銜錯誤元廉訪

程文海曾任  
閩海廉訪使

朝天橋下水滔滔

荒亭圯後崇祠高土花斑駁寶光耀知公此恨蘊鵲銷出世遷  
流南復北風塵飄泊無人識海潮庵裏堊僧牀卻被畸人網羅

得畸人自寶不自私次以贈友言無欺太平賢守復好事奔走  
海內同歌詩圖形副墨流傳徧今我見圖如見研當時若自匿  
縹囊轉負石生心一片於嘑研兮人閒誰復如汝堅眼閱滄桑  
又百年丰稜圭角無剜缺直與文節之節同完全於嘑研兮出  
自建陽市味者視之如敝屣鷄得淡知付託析津周明經要有  
能成父志明經子

黑田雙櫨歌次年丈湘皋先生韻

己酉

人間壽木松與櫨歲久質變光黝黻世人不識古物貴妄縱尋  
斧同夷芟邇來童山十八九一二時復窮崖嵌黑田古櫨植何  
代雨淋日炙野火燄摧牙落角總矗立戈戟缺折鏃猶銛皮堅

樵牧任敲擊鏗若階石頻投籤郊原花艸肆柔媚空山靜對彌  
尊嚴君遷平仲設同別見以手版書頭銜骨格偶存況枝葉想  
見古雪飄蒼髯滄桑百變閱人代古兒樸拙誰能瞻簡齋公後  
八百載天爲詩老開機緘千年神物闕復顯詠歌奏雅懷韶咸  
當日栖皇宋南渡郡及 盛世時安恬澹遯亭成願已畢姓  
字可向櫛中創新編寄示自前歲欲賦輒止慙鄙竊何年訪櫛  
更採藥白木一柄攜長鑱故山蒼松亦百載所冀呵護神同監  
不希世用老澗壑豈復斲木來譏讒克全天質天汝壽一氣相  
感惟其誠櫛兮若早佗梁棟奇軀那得畱雲巖

湘皋年丈命題圖卷三首

人閒豈少堂上松鶴得讀書松下翁根蟠山石節流液想見磊  
落人霜客百年松老人亦公松下書聲尙如故烏石峯前老屋  
旁偃蹇猶存十餘樹

松堂讀書圖

九華山前鵲鳩鵲

文居有小九華山

九華山下春水生南邨一夜雨聲

歇是誰兩兩披蓑行何苦豁袒迎大吏稷契心行沮溺意人閒  
歧路苦匹羊我正扶犁叱烏犢

耦耕圖

苦雨聽雨心悽悲喜雨聽雨情融怡雨自無心聲豈別只坐其  
聽人睽離關山萬里歸田圃竹瓦瀟瀟方對語半夜狂風起荻  
蘆獨雁江頭淚如雨

聽雨圖時雲  
衢丈久下世

次韻和張戩泉九日登高作

天心閣峙南城隈。楚山蒼莽何雄哉。湘流一碧瀉清快。水激石  
壁爭喧豗。秋陽驕縱肆餘燄。暴燎山木如燔柴。登高往例偶憑  
眺。豈畏沴厲生奇災。但愁南望渺水國。浩蕩千里無蒿萊。帑金  
千億給隍垓。況復百萬嗷鴻哀。長懷憂懼設暇逸。及此佳日聊  
追陪。敲材於世豈有用。久已攬鏡須盈頰。山靈笑我不佞達。且  
可酩酊同佳醅。小山桂馥歇經月。瞥見黃菊花初開。高垣笑語  
落庭戶。中襟感慨聲多欵。浮雲一散各隱見。袞袞萬古都塵埃。  
世人擾擾曷反本。芟割智巧稱無懷。我歸松屋臥枕石。高歌望  
爾張生來。

鄒資山孝廉墊鵝山尻圖

辛亥

桼鵝山連曾望麓八百季來存老屋尺椽寸瓦幾更移梁棟材

猶攜古木邇來物力頗支絀斤斧按尋及溪谷遶處風詩傳百

公舊惠先翰懷太僕中季散髮棄先組林下斑爛老萊服時維

嘉靖刻燹季

向來燹用木燹或視其腹刻嘉靖季製此雖謔語然事或有之

何況山川自凜樸

邨中流行古時風身後燼餘來者福遶徽歷世未衰歇綽見文

孫露頭角孝廉頻季事忤逮親爲嬰霑微祿可憐馬鬣禿鞭

絲只博牛腰擴詩束京華佗圖意三致楚岫望雲新日逐秋溪

訕嘯定王臺喜有青尊對黃菊我親蒔秋邁九十九戢遠心偕

鰲伏島石

名山

蒼松寫大季妙句多君助篇幅

君惠題蒼松老屋圖

把圖仍

送萬里游解嘲定見車丹轂他時草望隴頭蜀忘卻桼鵝恩桼



驚

郭意城

崑崙

萬樓觴月圖圖係購得山水小幅上有文待

詔印章而補月其上也

高橋矯首八埏隘好月當頭倍清悵咄哉此游事真怪二百載  
前先有畫良宵三五醉芳筵游客八九疑飛僊笑君偕詩復偕  
畫使人補月如補天古人今人共清曠今樓古樓豈殊狀寢醒  
卻笑卷中人忽訝今宵月初上當時我亦交二陳懿叔輓蹟稍  
後雁荒羣乞於樓外山深處更補停梧望月人

張石朋明府以懷硯圖詩冊見示屬爲題詠殆亟欲表硯

圖未具而先之已詩也奉賦一首

丙辰

先生之硯藏諸身膚體細膩身同珍自悅未嘗輕示人先生之  
圖構自心意匠慘淡疇能尋蟬蠹不蝕塵鷄侵硯繁圖繁未之  
見只見一詩幾一卷溯從巖洞土初開歷徧西東軍百戰廣陵  
濤洗荆砥礪管仲典冊今干戈人閒瓊寶百般盡獨裒完璧精  
英多人生倒海驅山事視此硯硯匹夫志知君愛物出深情片  
石矜全特徵細我欲見硯不索圖巧偷豪奪非吾社佳辰對客  
一誇示豈慮襲取煩追逋卽今將士呼殺賊暫乞君磨盾頭墨

酬筆圖爲石朋明府賦

班生投筆君酬筆漫云不聿終有律蔬盤酬汝銳頭公枯酒猶  
應笑寒乞潮從束髮僂相從漸到二毛交愈密如衣附身履著

足試問相違能幾日會須把握歷百季朋好妻孥未堪匹涉樂  
姿抒春澹池慘懷鬱起秋蕭瑟也曾片語得矜寵亦或千言被  
塗乙半生甘苦百端殊除是楮生墨共悉操錐縛帶爭能事生  
恐居功見憎嫉柳條穀粒皆今筆名競前陳入手疇當辨毛質坐令  
中書成老禿棄擲如邛眾奚恤張侯灑落脫羣有獨把寸管三  
歎息自維所得良獨厚身享豈宜忘自出蓬山雄振事已虛藉  
圃閒搜興猶逸漫將劇賊窮奸變謂賊情彙纂更爲流民繪愁疾  
國家酬庸有盛典軍師轉饒無奇術但將薄啜表微情慎闕遐  
心就予睚行看露布艸萬言脫穎囊中草呼屈

審疾圖爲石朋明府賦

黃土搏人形絕奇胚胎太極根兩儀傑魁龐固少疾疢稟負元  
氣完無虧後來婚嫁繁且速生物二氣分鍾疲愈繁孕育愈婚  
嫁輾轉跂喙充九圍埏埴乏泥器苦窳取譬試較今窰翫花紋  
疏陋彩紉薄脆如欠片柔如絲虛邪賊風競凌肆動入骨髓銷  
毛皮自來國手貴先著控制勿使瀕傾危無論中邊總一體股  
肱心腹安能移況乃多方取戕伐腥羶煙火燔膏脂北邙送往  
等閒事眼中幾輩逢龐眉豈惟壽考渺鷄得沴厲更復生豺狸  
如疽潰爛體蔑徧此患直欲窮軒岐氣餘是火語鷄信欲施攻  
下先調脾局方沿襲久無效縱有祕笈誰尋思院醫審疾苦不  
早把君此卷增吁嘻

萬蓬山學博幽篁獨坐圖

崇情結此君不厭終日看及茲豫章遊不見一竹竿千枝萬葉  
忽滿目聲挾風雨生高寒鳳尾搖空濃翠墮獨寂眠琴綠陰坐  
君居此境是何年世近羲皇庶幾可揭來戰地艸木腥山童那  
琅玕青七絃泠泠亦徒耳縱有古調誰當聽春雪重重壓吾  
屋卻藉新篁償折竹

適得家書云云

嫵媚如盼王人歸爲道煙塵塞輪

轂

綠漪艸堂詩集卷六終

男式常校梓

綠漪艸堂詩集卷七

湘潭羅汝懷念生簪

七言古三

寄懷蔣矩亭司馬興安卽以告別

蔣侯佗更三十年囊中未儲沽酒錢  
豈惟美酒不可得明朝卻恐無炊煙  
家人語言莫叨絮假裝捧檄興安去  
地經擾亂益流亡民苦輸將要平恕  
向來勝地皆戰場馬矢充棟苔生牀  
離離凍雀拳空倉使君安得飼鶴糧  
公拄腹惟書卷香萸見駱駝言馬腫  
倉鮭尙有廿七種惟應一日不灑墨  
有似帑藏負虧空霜凋百艸茂猗蘭  
時向腕底爭簇攢先生鑒此可忘食  
秀色還給

他人餐人閒葩卉有榮落春入豪端長任著便令縣歷五百季  
絹素猶傳某公佗雪泥爪越都前緣但佗書畫休言錢從來人  
事只居半委實全數俱歸天春風已動瀟湘道我亦還鄉種香  
艸異時琴從過潭州東道迎門雇應倒

魏烈女

魏烈女出南衡名泉生字鏡清產於閩泉因以名加之表德識  
已成衡陽大姓代有聲父繼祖職傳鑿楹女亦受讀書史明生  
本嫺娥稱妙英明珠的皦掌上擎擇對邑子系武城繫襦娘娘  
垂香纓郎歌狂泮方舍黌束薪將見天三星泮林飛鵲更集鵬  
驟聞惡耗捐膏沐母謂從父禮當遵女口不言但有哭阿父從

軍在豫章盼到音書字幾行我心匪石不可轉心早蹋地頭懸  
梁吁嗟乎在室殉夫後儒議烈女那知有許事金石爲開鬼神  
會恃此一誠無轉計伯桃羊角何太迂程嬰竟保他人孤天機  
澆薄心計熟一局未終已翻覆榮華過謝疇所甘士夫覩覲能  
無慙祝融峯頭燄貫日光采長亘天西南君不見雙冢巍巍式  
行路樵蘇不敢侵封樹路人指是華山畿墳上會生連理枝

煙筒禿而復得戲呂韻語紀之

煙筒一尺斗箸粗出入懷袖日與俱揆囊取物真裕如無事提  
挈煩奚奴卅載結習殊鷄除如形影不離斯須尋幽緩步城東  
隅初過僧寮後劉癯飯罷索取何有乎卽時火急追亡捕牢搜



徧及堂房廚甬人疑有先生身慢藏自媿典守疏應與墮甑同  
區區返舍閉關意不舒類慕羶蟻无水魚相思一夕徒縈紆冀  
不拾遺遇諸塗翌日試遣循通衢可笑待兔同守株馬王呵護  
神卑余得之廟中廝役夫鮮卑追及情無殊文姬贖得喜有餘  
人生得无誠非誣塞翁之馬何用吁物爲我有終還珠纏縣長  
結淡巴姑青煙依舊吹膏朱

李孝女

戊午

我爺驅車汝南道劉孝女墳薦蘋藻前明事在嘉隆閒剝落殘  
碑略堪攷七女同生罔不嫁絰衣綴履供親飽半閒破屋風雨  
飄二女罔親共昏曉親亾屋倒冢高峙子職克終生未了照鏡

居然兩丈夫改服無妨佗傭保但謂嶺畝賈布絲豈信佳人出  
燕趙提學顯旌復授廩餘年畢此皤然老我從曠代景至行歌  
告守土崇祠禱奇節何虞數不鮮況古希聞更今少扶輿聞氣  
特鍾毓不被裁冠到娥媼隴西女子亦奇姁懿遙遙堪遠紹  
年迫及笄卻徵聘欲竟返哺同烏鳥懷清無慮等久堅自矢有  
辭如日皦女有四言韻語云我從何生嚴  
忘生生凡十六句見徵詩啟中午夜焚香滿庭戶祝  
父生男顙蒼昊蒼蒼遠隔積誠通遂育通眉手長爪慰情曾是  
掌中擎奮望猶期卻前繞方代慈幃勤顧復忽謝春暉就枯槁  
于時危坐異香來謂有靈修從羽葆二十五年如寢覺白鶴蓮  
花自言境縹緲曩慕前朝今里閭世異事殊實同僚世人得子  
所見

羣相賀衣褐頻頻增苦惱女生門巷宋無聲男設華筵爛文綵  
東家兒長呼盧雉西家兒大饜梁稻日眊頭白還飼兒辛苦誰  
憐兩翁媪嗚呼孝女庸中佼嗚呼孝女人倫表

題黃月崖封君七十二峯樵採圖

辛酉

祝融拔地九千仞七十二峯蟠兩郡黃安年亦七十近徑欲跂  
跂歷崇峻蚤歲遠游晚伏處負薪拾橡安吾分斧柯不合世閒  
施獨向淡山自揮運平林半經兵刃刈絕壑猶餘野火夷老樵  
採獲不在多但覩奇峯便前進邇來邨氓悉餉伍煤炭價昂同  
桂論雨多薪盡爨煙微欲黔墨突須自奮我舊湘南鳥石樵舊有  
鳥石峯樵小印忽忽霜毛上雙鬢不辭道路勤負戴可柰腰腳疲登頓

掘服松根老茯苓庶克從君佗  
驂斬連夕妖星照庭宇又傳來  
朔日有暈披圖何處白雲溪局  
基欲向仙家問

蜩安晚過寓齋值賤辰枉贈長歌次韻奉畬

何侯本是四海客晚歸楚澤尋  
蘭蓀狂吟清嘯不可狀自譬巫  
峽三聲蜩書排流俗出奇古意  
或蒼頡知根原星沙聚晉日逾  
百劇談意愜髯微掀人閒榮組  
等蟬蛻酒杯在手它何論惟苦  
求書似索債坐守几榻行追奔  
絹素如山皮不理時復出遊駕  
短轅人柰爾何輒散去意索色  
怒聲還吞自從酬春歷長夏塵  
事丛與炎歊煩七月四日天酷  
熱安晚逃暑過我門是時入秋  
甫二日盼雨無意雲無痕生辰  
閉門是往例

家居逢生辰閉門讀書佗字雖兒女

不得入或清晨豈復客裏治肴樽煩君作詩猥齒及要挾幸有

出遊竟夕始返君時有詩李西臺封翁二律涼秋從我入漣水稚松請榜新開軒近種

西臺援松數萬因以名其軒我與君季可得似松否飲君十日君當一一爲余言

蟬安看新練水師有佗兼酬前詩次韻奉禽

騷國操舟夔容與楫以桂兮橈以蓀二千季後水師出千舟挾  
歪如飛蟬重午龍舟製仿佛捷可窮溯江河源船輕槳夥勝以  
力縱欲沈陷能翻掀初從粵江得意匠武城曾子費討論屯營  
坐扼百敵萬風順水溜防傾奔匡廬峯下彭蠡濱指客曾入將  
軍轅旌旗蔽空舳艫接直擬一氣長江吞歸來又載謝人事豈  
謂兵氣猶冤煩亭林春雨詩可誦安得詆蕩開天門黃金億萬

市白骨血淚灑仝秋花根我久瓠落無所容子欲慮仝五石樽  
談兵紙上樓櫓動恍若天下堪手援尺箠果能淨湖海歌頌鼓  
舞齊鬢軒與君聊復較聲病致治古不煩多言

和媛安與楊性農論金石之仝卽次元韻兼寄性農駕部  
武陵

九鼎淪泗不可見十鼓肇自蒐岐陽尊罍碑碣先後出金薤編  
目輝琳琅石墨鐫華劉勰說諸家嗣出相測量歐趙以還學大  
盛本朝攷證逾百王其中得无浩淵海曲說不免同瞽狂授  
羅有似攬賢儔顯在朝廟幽窮鄉秦泐森嚴異古咎進御文稱  
臣恐惶嶧山諸刻无真久殘石依稀摹竅黃延熹熹平蹟日眇

又鳳數字猶堪藏歷二千季幸不絕賴有好事傳芬芳  
長沙城南璧池側好古客就東西房籠儲篋皮百十本  
時其芹藻流清香食古我亦帙中蠹忽爾聚首敦維桑  
吞尋君許益眼福意若醺酒逢肥羊投閒豈有再三命  
聊復僂僂循宮牆過從坐是日繇密匪入我室登君堂  
惟是足文亦足獻往往古樂聞於萇金門石渠蹟未遠  
惜不再入成典章豈無友寢到幽薊矯首北望空徬徨  
繫維金石可訂史載筆實足資三長抑惟金石可證經  
如宵舉燭行齋糧邇來文字虀譌謬誰復攷索求精詳  
願從碑錄湖始變悉爲分割米與糠

煉變篆體遂无形聲每欲爲字原一書從諸金石中溯其變體之始

以訂經傳轉寫之謬

經訓斷自小學始既通隔闕恢無疆荒江老屋少徒

侶喜君如雁方南翔文昌星明兵氣戢奎垣朗曜銷天狼楊子  
翩然求合併眴睽定屢雙瞳亮別懷一紀聊可說秋宵共坐西

窗涼吉金樂石配老憊度養性命臻壽康

經訓不明由于字多假俗此可以金石證

經傳如今人喪家用泣血字此本于禮記檀弓篇而漢碑中泣血字屢見非為喪也蓋泣乃瀉之俗字氣結不舒故曰結轡血乃恤之俗字大戴記血者猶血注曰憂色也是假血俗恤之證血本讀恤故詩鼠思泣血與疾為韻泣血宜讀俗瀉恤其義猶之結瀉亦猶之抑鬱乃疊韻字耳舊解以為無聲出涕有似血出無論似血之言為增會即泣亦豈有三季者乎古人喪禮雖嚴亦毀戒滅性如泣三季則傷生矣甯君子許之乎世儒輒薄攷据為煩瑣無關大義不知訓詁未明安能通于大義如檀弓此文是也因論金石有裨經訓故增識一端於此辛酉七月廿有八日

圉令趙君碑歌戲柬媛安即用其自題雙鉤本詩韻



圉令稍碑何處求小蓬萊閣存雙鉤星沙忽見兩石本有若延  
津雙鰐水上游一錢宮簷一黃牧湖所自出窮緣由楊子且不  
喜金石匪君好古疇爬梳懸諸素壁日瞻對烈日艷穢忘汗流  
翫味無已復吟詠三本各曰長歌畱東京圉屬陳畱郡稍君令  
此民所謳奪情服官季世習邢復刺促冗兄憂司徒再辟乃再  
卻風義自可傳千秋是時火運餘卅載碑立于獻帝初平元年俗厚侶此  
何曾媿卽無分隸擅雄偉軼事猶可先遐陬獨惜紛紛競顯識  
面著黑子身垂瘤數公書勢頗習見形蹟稍近神難侔蘇齋眞  
僞久溷襍往往魚目同珠收錢黃藏本恐未出兩幅或係從旁  
蒐嗟予鑒古功本疏亦不徇俗爲包善賞家雖有確鑿說我實

不信君何尤雖然古蹟杳鸚得道元何必非朱繇虎賁尙有典  
型在聊解飢渴沾枯喉詩成質君定謹囑狂風忽起四壁聲颼  
颼

胡安人周氏殉節詩

汝南淑媛安定郎中州潭州居異鄉君舅種花豔河陽紅絲爰  
繫雙鴛鴦名門代有簪裾彰父黨見尻日月旁千里脾合聯璧  
璋入門新婦生輝光賢聲溢出娣姒行眾口嘖嘖流芬芳自古  
仁慈生壽康歸尻謂可百歲長金田粵賊忽跳梁星沙殺氣騰  
機槍嬰城固守人惶惶豫市鳩毒慎自防無何攻陷南城隍全  
身仰藥人云匹夫勇搶護全堵牆城則可完命尊儼人言益少

須臾將豈知卦義純在剛弱思宛轉縈迴腸幾人到此平生喪  
偉哉烈婦秉義方亟覺歿所無瞻望城完與否烏可量儻不及  
事身焉藏從姑地下計亦良遑念呱呱嬰在牀娉婷侍婢出禮  
堂已身殉主旬日僵初生嬰亦旋稱殤極艱至慘鷄具詳是歲  
王子月肅霜我傾乾蔭方痛創鄉團遣謀來城廂傳聞此事心  
爲傷越八九載獲表揚 詔與旌典祠且坊厥夫廣與徵詩章  
牛腰積卷生古香頑儒賦此氣亦張字向紙上皆軒昂

長沙喜晤鄧伯昭同季別後有伦卽題其雪堂聽雨冊子  
一別十又季一聚六七見心情意態豈有渝略老風塵舊時面  
君今雖已又十人筋力文章壯稱健衰然示我雙梧集刻成二

十有四卷頭銜縣令鹽運同苜蓿舊盤猶可戀學行交勤氣侃  
侃動世不徒三筆擅晉望山峻資流清軌奇信有邦之彥惟君  
羣從壯奇傑修幹蒼堅露蔥蒨廿七季前內交早酣嬉宛若一  
家眷長沙春接長安秋游其街衢試同院亦復連牀欣聽雨那  
識分襟悲集霰情懷哀逝更傷離歲月流波復奔電我老無成  
坐悠忽心力銷磨餘一研耽奇嗜古苦紛厖無一條長真韞綬  
獨端涂徑起直追何怪祖生著鞭先瑟居荒僻朋遊少懦力弱  
思須繫援囊琴百里卦星垣易老何翁實親串酒闌燭炮詞不  
竭論古紬書意無倦桂井風來識秋颺金縷歌餘憶春餞君因  
轉饌徂暑來偶然良覲聊乘便黃州舊是經過地未入雪堂尋

雪片當君往日聽雨時豈謂回頭事皆變既經家鶴凋骨月況  
又頻年苦征戰雪堂可繪雨可圖畫出承平竟誰倩

何勛潛書來兼詢漣涓諸水詩已富之

鄉居日親農圃事六時有暇還讀書雖曰老鈍不悉記

皆書靜中意

緱終勝棲城隅我本躬耕漣水曲略識幾字名爲儒久處邨僻  
患孤陋出遊都會求印須我方出谷君入谷西飛燕子東流魚  
已從久乖得亡覲豈謂同志仍殊塗咎歲君還自江介欲向我  
里安家孥蒼松屋割一椽庇鳥石峯高堪負嵎地在漣南與涓  
北二水東向湘江趨距漣切近涓稍遠罔巒迴互田膏腴漣出  
漣道涓衡山涓短漣長勢弗如

今湘鄉縣班志曰漣道而志不言有水漣水始見水經其初當

是連水後加水旁又改玉旁耳連水西南源出邵陽東北境之大龍山西源出新化北境山中東南流經潭市永豐湘鄉縣馬坨鋪及湘潭西鄉之石潭雲湖口江舍袁家河下游入湘江源流又百餘里其出口在縣治西十八里俗名湘河口當名漣江日也渭水出南嶽後山白果市經龍口花石錦石射埠至易俗市入湘其口在縣西稍南二十餘里湘鄉分湘南地故亦以湘名

君咎機舟經一宿

渭水入湘處相傳明正德中皇帝遊此一宿故名一宿河今縣志名易俗河當名渭

口為顯君訪我時泊于此不知敝居在漣水上也

路緣迷誤多煩紆利病書言祇一水

始謂原委在潭區

顧氏郡國利病書謂吾邑只一渭水

此水百里通舟楫前載不

紀輿圖無

水遺提綱立所摹

未詳所出董方內府圖亦不載

君移上茶與涓近卻舍蘭

菊求茅誅當其徙宅未在送時我適館旬宣徐

君青方伯有王無何邑

陷戎伏莽募卒近百捍厥廬風林不靜遠心動遂復又馬典郡

符杭城闔家脫虎口刀痕攢簇兒肌膚

君子婦俱受重創

遭歷既患云

屢矣卒獲拯拯非天歟是時旬宣方撫蘇與兒同殉兒吾徒向來親舊亦多逝回省八載成長吁君辭簪組卽荒宋食息無警

聊堪娛故家營道山水窟瀟湘清絕名甚都瀟水出甯遠南境九疑山合沱水犇

源水江華之營水道州瀟溪水總名泥江東北流至永州府治西北入湘江然班許諸書無此水水經注云瀟者水清溪也則山海經中瀟湘古潭州重鎮扼衝要要可朋好聯襟裾重陽三人但謂爲清湘耳

日僂已屆試來搓橘簪茱萸

班志曰路山資水所出東北至益陽入沅路山水經注謂之唐糾山水亦曰都梁水利病書謂出零陵之都梁縣者卽今武岡也距今永州治之零陵則甚遠矣湘水出今桂林府興安縣陽海山班許皆同郡國志他陽朔山水經注引應劭曰出零陵山名殊而實一地惟瀟水名泥江而茶陵水水經謂之沱水者班志則曰泥水蒙謂兩泥水皆段俗字班書于茶陵則段泥爲沱方志于瀟水則段泥爲疑蓋水從九疑山出當曰疑水也湘中記九山相信行者疑惑皇覽其下九溪皆

相伯郡國志九疑有九峯而說文曰九疑山舜所葬从山疑  
聲然則疑又疑之段借字是古本無瀟水之名後人因山海  
經之文強以九疑所出之水爲瀟水其疑水之舊名又譌爲  
泥而其實益隱矣經傳中義訓其因假借而致淆譌如拾遺  
之譌十姨而遂塑女像者可勝遺哉用附識之

同治紀元元曰 壬戌

瓦溝凍溜植如戟檐際雪花堆一尺元辰陰翳悉掃除放出金  
輪一天赤椒盤柏酒洽懿親時和歲稔怡民人從茲萬象慶  
始試看王正第一春

訪媛安遇雨因同入芋園觀荷約各作一詩

嬾人畏暍常杜門乘涼偶出又一邨斗姆街黃桂井易二安陪  
對移晷暇畲客取道織機巷頓轉洋壁尋老媛媛公倒屣笑相



迢絮語襍沓殊無倫言罷日昃有飢意遺市數餅同咀吞天公  
不許謁俗客頃刻大雨傾瓶盆兩人相對噤不語忽憶李宅荷  
花繚荀興冒雨出衢街積潦沒脛如通津高門大啟闐然入柳  
陰路曲池波渾當其遠隔數重壁早覺香氣來氤氲跳珠千點  
與水化搖碧萬葉從風翻須臾雨止荷氣靜水增一尺涼滿軒  
咄哉曉祀天無雲地乾那得屋漏痕芭苴葉焦待灌溉意中豈  
有荷聲喧清游眈夜寢不到誰約選勝諏良辰芙蓉競欲獻妍  
嬋先乞猛雨清埃塵忽雨忽荷若前定結此半日詩人緣明朝  
便是觀蓮節

古呂六月廿四爲觀蓮節

台佗一詩存芋園

緩安見示洛溪中興碑詩索和

別嶂欽寄下有溪懸崖層疊上有碑時從艱虞得治理頌語中  
漬千淚絲卅載治平忽髦倦幹蠱祇得憑家兒乘輿出狩萬騎  
西百官扈從同栖栖監國從權樹國本南內坐拱稱無爲次山  
監州在南服直清可佗臣僚師魯公同志愛偉佗字向絕壁淋  
漓揮想見腕含剛勁氣泚筆不懼臨深危浩翁異代緬奇蹟春  
風細雨欣成詩家藏此碑凡二本每楮翠墨瞻瑰詞君還故鄉  
縱吟賞不令野客相追隨 盛朝新政軼前古民無能頌安  
知悲

蟻安疊涪溪詩韻見示再賦當之

世間何處江無溪只少溪上穹窿碑大書漢刻夏雄傑上視虞

緒纖如絲風霜兵燹歷千載坐閱幾許胎穉兒有唐金石哀關  
西此醫漢叢孤島棲試思一鶚廢百鷺長安何用碑林爲髯蘇  
裏鍼自顏出鬻直獨不輕相師君雖舊守魯國法歆側體時從  
擊揮積酒澗池手力墮此事未廢殊堪危只因少受杜康誑往  
往大醉方成詩我如公樂不好飲意興不暢艱于詞謂余前伯  
有曲徇吝道自直甯阿隨嗜痂逐臭亦常事被古人愚何足悲  
李季眉疊緩安韻見示歪筆酬之

林風搖空荷露瀉萬頃黃雲割秋稼涼颼雖其故人來赫曦早  
願炎官罷城市山林終不僻酬接無緣塵事謝街衢填滯五方  
集南溟坐看鵬鵬化頭白書林甘未得爛嚼只如初啖蔗久絕

名場君與同不把文章市嘲罵閒身偶託小泊槎

圖中有此三字額程春海

學使所題

一園風月真無價嶽麓曉雲招入戶嫋嫋異書僭充架悠

悠遠道至無期老馬疲驚輦未卸火維在邇闕登陟況欲扶筇  
上嵩華君今忽佗入林想閒卻當前好亭榭縱令勘世百念灰  
詩社猶當一戰霸無窮清新出腕底足使羣雄避三舍白駒願  
少紆遯思且待年成共觀蟠

峻安疊觀荷韻見柬要往夜飲忤筆奉會

清思滾滾鉛汞瀉悻筆腰鑱刈秋稼長風挾雨勢草收絕壑懸  
流注鸛罷良宵酌酒勸我飲此事平生不數謝飛觥強欲起我  
疲性成可柰頑鸛化君家治具薄珍錯多供蔬盤襍菱蕒甯使

獸人不給鮮霜菰粃味厨遭罵

君嘗言豆腐白菜若不得烹汰則不如啖魚翅海參

客歲

郎居近相接忝徧雨風星月夜今年室遠會漸稀口腹雖慳足  
叨赦君亦餘省蠶中春免致頻頻詢酒價詩情灑落脫拘攣書  
法縱橫除閒架往往銚殘客散時墨采騰從手中卸卻看工嶽  
觀方寸包盡衡恆岱嵩華吳子襍被歸岳陽不來下榻閒亭榭  
齊盟狎主夏何人百疊湘山老蜃霸我將太伯荷花長尙有紅  
衣映溪舍相期卒歲同祭詩典禮合教援八蠮

吳南宴書來具言前歸巴陵阻風狀又寄和蜃變眉翁疊  
韻詩伯此報之兼呈何李二君

北風不放江波瀉卻吞邨墟觀晚稼爾時本欲抵夙畱謂已呼

身不能罷衰忠故應煩大手居停意殷客終謝徒將空谷白駒  
維欲學蒙莊胡蝶化白首雖新聚時少歡談正似初嘗獲平生  
學行可欽遲此行倔強堪嘲罵疇昔踏秋訪緩步尊罍有款酣  
清夜觥船百道相戰攻小戶酩酊不蒙赦人間好爵何足縻良  
會真成實無價大國楚風未衰歇落落幾人更攜架我眈還鄉  
舉西澣滾滾衝塵暫推卸與君遂伯燕勞飛遠似東岱距西華  
兩月山樓未云久巢痕已換新亭榭冠裳會合得前型謂耆舊  
文徵  
兵車付與齊桓霸但愁白日背我馳誰爲揮戈返三舍君不見  
鑿鑿臘鼓已潛催文冢銘成聊與螭

綠漪堂詩集卷七終

男式常校梓